

KJKP "RAD" d.o.o. Sarajevo, Paromlinska 57. (u daljem tekstu: "Osiguranik"), koga zastupa direktor Selim Babić, dipl.ing.građ.

Broj rješenja: UF/I-889/01
Porezni broj: 01700105
Identifikacioni broj: 200316890001
Transakcijski račun broj: 338-900-22080776-49
UniCredit banka d.d. Sarajevo

i

"SARAJEVO OSIGURANJE" d.d. Sarajevo, Maršala Tita br. 29 (u daljem tekstu: "Osiguravatelj"), koga zastupa direktor Arif Kulić, dipl. pravnik

Broj rješenja: 065-02-0013-11
Identifikacioni PDV broj: 200326930001
Transakcijski račun broj: 199-049-0106232022
Sparkasse bank d.d.

zaključili su

U G O V O R

O VRŠENJU USLUGA OBAVEZNOG OSIGURANJA MOTORNIH VOZILA OD ODGOVORNOSTI ZA ŠTETU PRIČINJENU TREĆIM LICIMA (AO) I KASKO OSIGURANJE MOTORNIH VOZILA – LOT 2

PREDMET UGOVORA

Član 1.

Predmet ovog Ugovora je vršenje usluga obaveznog osiguranja motornih vozila od odgovornosti za štetu pričinjenu trećim licima (AO) i kasko osiguranje motornih vozila, prema Pregledu motornih vozila i premije osiguranja i ponudi broj 01-853/17 od 13.03.2017. godine i Okvirnom sporazumu broj 05-03-04-6840/17 od 28.04.2017. godine zaključenog po Obavještenju o nabavci broj 83-1-2-87-3-22/17 od 09.03.2017. godine.

Član 2.

Ugovoreni oblici osiguranja precizno su definisani Uslovima osiguranja od automobilske odgovornosti i Pravilima za kasko osiguranje motornih vozila koji čine sastavni dio tenderske dokumentacije i navedene ponude.

CIJENA

Član 3.

Ovim ugovorom Osiguranik se obavezuje da Osiguravatelju plati premiju osiguranja, a Osiguravatelj se obavezuje, da ako se desi osigurani slučaj će postupiti po pravilima koji su razrađeni u Uvjetima osiguranja koji su sastavni dio ovog Ugovora. Ukupna vrijednost ugovora za 2019./2020. godinu iznosi 64.014,28 KM bez uračunatog PDV-a.

Član 4.

Ugovorne strane su saglasne sa cijenom iz ponude i police osiguranja koja čini sastavni dio ovog Ugovora.

GARANCIJA

Član 5.

Osiguravatelj je obavezan dostaviti garnaciju za dobro izvršenje posla u vrijednosti od 10% od vrijednosti ugovora. Rok za dostavljanje garancije je deset (10) dana od dana potpisivanja Ugovora.

NAČIN PLAĆANJA

Član 6.

Plaćanje premije će se vršiti na slijedeći način:

- fakturisanje premije za AO mjesečno a plaćanje odgođeno 60 dana;
- fakturisanje premije za AK na početku ugovornog perioda za sva vozila a plaćanje odgođeno 60 dana;
- Osiguravatelj se obavezuje usluge osiguranja iz člana 1. ovog Ugovora pružati u skladu sa sadržajem i pratećom dokumentacijom iz ponude. Obaveze Osiguravatelja po osnovu osiguranja nastupaju izdavanjem polica osiguranja. Sastavni dio police osiguranja su uvjeti osiguranja.

PRAVA I OBAVEZE OSIGURANIKA I OSIGURAVATELJA

Član 7.

Prava i obaveze Osiguranika i Osiguravatelja kao i postupak naknade štete detaljno su razrađeni u Uslovima osiguranja od automobilske odgovornosti i Pravilima za kasko osiguranje motornih vozila koji su sastavni dio ovog Ugovora.

Član 8.

Osiguravajuće pokriće proteže se na teritorij Bosne i Hercegovine i na zemlje članice sistema „zelene karte“.

IZMJENE I DOPUNE

Član 9.

Izmjene i dopune ovog ugovora mogu se vršiti samo pismenim putem. Naknadni aneksi i protokoli mogu mjenjati ili dopunjavati ovaj ugovor pod uslovom da su ga potpisali ovlašteni predstavnici ugovorenih strana.

SPOROVI

Član 10.

Eventualne sporove koji bi mogli nastati iz ovog ugovora, Ugovorene strane će pokušati da riješe sporazumno.

Ukoliko ugovorene strane ne postignu sporazumno rješenje, za nastale sporove nadležan je sud u Sarajevu.

RASKID UGOVORA

Član 11.

Svaka od ugovornih strana može tražiti raskid ovog Ugovora. Zahtjev za raskid ovog Ugovora podnosi se u pisanoj formi najkasnije tri mjeseca prije isteka tekuće godine osiguranja.

U slučaju raskida ugovora, ugovorne strane će izmiriti sve svoje obaveze nastale do dana raskida Ugovora, a prema važećim uslovima iz ugovora.

OSTALE ODREBE

Član 12.

Za sve što nije regulisano ovim ugovorom primjenjuju se odredbe Zakona o obligacionim odnosima FBiH.

Član 13.

Sastavni dio ovog Ugovora je Ponuda ponuđača broj 01-853/17 od 13.03.2017. godine i Uslovi osiguranja od automobilske odgovornosti i Pravila za kasko osiguranje motornih vozila.

Član 14.

Ugovor stupa na snagu danom potpisivanja i traje do 01.02.2020. godine ili do datuma izvršenja obaveza koje su predmet ovog Ugovora.

Član 15.

Ugovor je sačinjen u 6 (šest) istovjetnih primjeraka i to 2 (dva) za Osiguravatelja, 4 (četiri) za Osiguranika.

ZA "SARAJEVO OSIGURANJE"

Direktor

Arif Kulić, dipl. pravnik

ZA KJKP "RAD"

Direktor

Selim Babić, dipl.ing.građ.

SUPOTPISNIK UGOVORA

Predsjednik Nadzornog odbora

Hajrudin Omerbegović, MA – dipl.ing.saobr.

Broj 05-03-04- /19

Dana 01.02.2019. godine